



KNATTSPYRNUSAMBAND ÍSLANDS

Aðildarfélög KSÍ
b.t. formanna/framkvæmdastjóra

Reykjavík, 27. nóvember 2019

Breytingar á leyfisreglugerð KSÍ

Ágætu félagar,

Á fundi stjórnar KSÍ 22. nóvember sl., samþykkti stjórn KSÍ breytingar á leyfisreglugerð KSÍ.

Breytingartillögur á leyfisreglugerð KSÍ, sem samþykktar voru af stjórn, voru unnar af leyfisráði KSÍ, heilbrigðisnefnd KSÍ og laga- og leikreglnanefnd KSÍ. Um er að ræða breytingar sem tilkomnar eru vegna breytinga sem orðið hafa á Leyfisreglugerð UEFA og reglugerð KSÍ um menntun knattspyrnuþjálfara. Um ræðir breytingar á eftirfarandi ákvæðum:

- Greinar 17, 18, 39, 42 og greinar 1, 2 og 15 í Viðauka VII.

Eftirfarandi er yfirlit yfir breytingarnar og samantekt:

Leyfisreglugerð KSÍ.

Grein 17 – Yngri lið

Ný grein 17.3:

3. Afreks leikmaður telst sá leikmaður í 2., 3., eða 4. aldursflokki, sem leikur með liði félags, sem er efst í keppnisröð innan síns aldursflokks (venjulega nefnt A-lið), og kemur til greina eða hefur verið valinn til þátttöku á afreks- og/eða landsliðsæfingum KSÍ. Félag skal skrá að lágmarki 18 leikmenn sem afreks leikmenn í hverjum þessara aldursflokka, nema iðkendafjöldi viðkomandi aldursflokks nái ekki þeim lágmarksfjölda.

Grein 18 – Læknisskoðun leikmanna

Ný grein 18.3:

3. Leyfisumsækjandi í efstu deild, sem unnið hefur sér þátttökurétt í Evrópukeppni félagsliða, skal tryggja að allir afreks leikmenn yfir 12 ára aldri (2., 3. og 4. flokkur), sbr. skilgreiningu í grein 17.3, fari í gegnum læknisskoðun fyrir viðkomandi keppnistímabil samkvæmt forskrift KSÍ og íslenski löggjöf. Staðfesting læknis á að læknisskoðunin hafi farið fram skal lögð fram af leyfisumsækjanda með leyfisumsókn.

Grein 39 – Aðstoðarþjálfari meistaraflokks

Fyrir samþykktar breytingar.:

1. Leyfisumsækjandi í *efstu deild karla* verður að hafa skipað aðstoðarþjálfara meistaraflokks sem er aðalþjálfara til aðstoðar við knattspyrnulega stjórnun keppnisliðs félagsins.
2. Hann verður a.m.k. að uppfylla eina af eftirfarandi lágmarkskröfum um menntun:
 - a) KSÍ B / UEFA B þjálfaragráðu sem er í gildi, eða
 - b) gilda þjálfaragráðu sem metin er sem sambærileg við KSÍ B / UEFA B og viðurkennd af UEFA sem slík.

Eftir samþykktar breytingar:

1. Leyfisumsækjandi í *efstu deild karla* verður að hafa skipað aðstoðarþjálfara meistaraflokks sem er aðalþjálfara til aðstoðar við knattspyrnulega stjórnun keppnisliðs félagsins.
2. Hann verður a.m.k. að uppfylla eina af eftirfarandi lágmarkskröfum um menntun:
 - a) KSÍ B / UEFA B þjálfaragráðu sem er í gildi og hafa lokið stigi KSI V, eða
 - b) gilda þjálfaragráðu sem metin er sem sambærileg við KSÍ B / UEFA B og viðurkennd af UEFA sem slík, og hafa lokið stigi KSÍ V.
3. Ef félag í 1. deild karla ræður aðstoðarþjálfara vegna þjálfunar meistaraflokks, skal hann uppfylla sömu lágmarkskröfur um menntun, sbr. málsgrein 2.

Grein 42 – Unglingaþjálfarar

Fyrir samþykktar breytingar:

1. Leyfisumsækjandi verður að hafa minnst einn þjálfara fyrir hvern aldursflokk 12 ára og eldri hjá félaginu, þ.e. 2., 3. og 4. flokk, sem hefur gilda KSÍ B / UEFA B þjálfaragráðu, og er ábyrgur fyrir flokknum og knattspyrnulegu uppeldi í honum. Þjálfari 2. flokks skal að auki hafa lokið stigi KSÍ V. Aðrir þjálfarar sem fást við þjálfun þessara flokka skulu a.m.k. hafa lokið stigi KSÍ II.
2. Leyfisumsækjandi verður að hafa minnst einn þjálfara fyrir hvern aldursflokk yngri iðkenda en 12 ára, þ.e. 5. og 6. flokk. Þjálfarar í 5. og 6. flokki skulu a.m.k. hafa lokið stigi KSÍ II. Aðrir þjálfarar sem fást við þjálfun þessara flokka skulu a.m.k. hafa lokið stigi KSÍ I.
3. Almennt er ekki gert ráð fyrir að sami þjálfari geti verið ábyrgur fyrir meira en tveimur aldursflokkum.
4. A.m.k. 2 af þjálfurunum verða að vera með KSÍ B / UEFA B þjálfaragráðu

Eftir samþykktar breytingar:

1. Leyfisumsækjandi verður að hafa minnst einn þjálfara fyrir hvern aldursflokk 12 ára og eldri hjá félaginu, þ.e. 2., 3. og 4. flokk, sem hefur gilda KSÍ B / UEFA B þjálfaragráðu og hefur lokið stigi KSÍ V, og er ábyrgur fyrir flokknum og knattspyrnulegu uppeldi í honum. Aðrir þjálfarar í 2. flokki skulu a.m.k. hafa lokið KSÍ B/UEFA B en aðrir þjálfarar í 3. og 4. flokki skulu a.m.k. hafa lokið stigi KSÍ II.
2. Leyfisumsækjandi verður að hafa minnst einn þjálfara fyrir hvern aldursflokk yngri iðkenda en 12 ára, þ.e. 5. og 6. flokk. Þjálfarar í 5. og 6. flokki skulu a.m.k. hafa gilda

- KSÍ B / UEFA B þjálfaragráðu. Aðrir þjálfarar sem fást við þjálfun þessara flokka skulu a.m.k. hafa lokið stigi KSÍ II.
3. Almennt er ekki gert ráð fyrir að sami þjálfari geti verið ábyrgur fyrir meira en tveimur aldursflokkum.
 4. A.m.k. 2 af þjálfurunum verða að vera með a.m.k. KSÍ B / UEFA B þjálfaragráðu.
-

Viðauki VII: Leyfisforsendur fyrir Meistaradeild UEFA fyrir konur

Nýtt ákvæði 1. c):

- c) Afreks leikmaður telst sá leikmaður í 2., 3., eða 4. aldursflokki, sem leikur með liði félags, sem er efst í keppnisröð innan síns aldursflokks (venjulega nefnt A-lið), og kemur til greina eða hefur verið valinn til þátttöku á afreks- og/eða landsliðæfingum KSÍ. Félag skal að lágmarki skrá 18 afreks leikmenn í hverjum þessara aldursflokka, nema iðkendafjöldi viðkomandi aldursflokks nái ekki viðmiðuðum lágmarksfjölda.

Nýtt ákvæði 2. b):

- b) Leyfisumsækjandi í efstu deild, sem unnið hefur sér þátttökurétt í Meistaradeild UEFA fyrir konur, skal tryggja að allir afreks leikmenn yfir 12 ára aldri (2., 3. og 4. flokkur), sbr. skilgreiningu í grein 1c í Viðauka VII, fari í gegnum læknisskoðun fyrir viðkomandi keppnistímabil samkvæmt forskrift KSÍ og íslenski löggjöf. Staðfesting læknis á að læknisskoðunin hafi farið fram skal lögð fram af leyfisumsækjanda með leyfisumsókn.

Grein 15 Þjálfari unglingsstarfs

Fyrir samþykktar breytingar:

Leyfisumsækjandi verður að hafa minnst einn þjálfara fyrir hvern aldursflokk kvenna 12 ára og eldri hjá félaginu, þ.e. 2., 3. og 4. flokk, sem hefur gilda KSÍ B / UEFA B þjálfaragráðu, og er ábyrgur fyrir flokknum og knattspyrnulegu uppeldi í honum.

Eftir samþykktar breytingar:

Leyfisumsækjandi verður að hafa minnst einn þjálfara fyrir hvern aldursflokk kvenna 12 ára og eldri hjá félaginu, þ.e. 2., 3. og 4. flokk, sem hefur gilda KSÍ B / UEFA B þjálfaragráðu og hefur jafnframt lokið stigi KSÍ V, og er ábyrgur fyrir flokknum og knattspyrnulegu uppeldi í honum.


Samantekt

Breyting ofangreindra ákvæða eru í meginatriðum tilkomnar vegna breytinga sem orðið hafa á leyfisreglugerð UEFA og reglugerð KSÍ um menntun knattspyrnuþjálfara. Með þeim breytingum sem urðu á leyfisreglugerð UEFA árið 2018 var ljóst að innleiða þyrfti í leyfisreglugerð KSÍ m.a. skilyrði um árlega læknisskoðun leikmanna yngri flokka. Yrði það skilyrði a.m.k. að ná til þeirra félaga sem munu taka þátt í Evrópukeppnum UEFA á komandi keppnistímabili.

Samþykkt hefur verið að fyrst um sinn muni krafan um læknisskoðun leikmanna yngri flokka einungis ná til þeirra þeirra félaga sem taka þátt í Evrópukeppni hverju sinni. Munu því að a.m.k. 18 leikmenn í hverjum aldursflokki (2., 3. og 4. flokki), þurfa að gangast undir læknisskoðun fyrir viðkomandi keppnistímabil samkvæmt forskrift KSÍ. Um ræðir svokallaða afreks leikmenn sem skilgreindir eru sem leikmenn sem leika með liði félags, sem er efst í keppnisröð innan síns aldursflokks (venjulega nefnt A-lið), og koma til greina eða hafa verið valdir til þátttöku á afreks- og/eða landsliðsæfingum KSÍ. Staðfesting læknis um að læknisskoðunin hafi farið fram á þessum tiltekna fjölda iðkenda skal lögð fram af leyfisumsækjanda/félagi með leyfisumsókn.

Aðrar breytingar eru, eins og fyrr segir, tilkomnar vegna breytinga sem orðið hafa á reglugerð KSÍ um menntun knattspyrnuþjálfara og voru samþykktar á fundi stjórnar KSÍ þann 8. ágúst 2019.

Ef frekari upplýsinga er óskað þá vinsamlegast hafið samband við undirritaðan.



Haukur Hinriksson,
lögfræðingur hjá KSÍ.